



## › Grunnskule, SFO (skulefritidsordning) og skuleskyss

### Grunnskular

Giske har 5 grunnskular: Vigra skule, Valderøy barneskule, Giske skule, Godøy skule og Valderøy ungdomsskule. Opptaksområdet for barneskulane er kvar enkelt øy. Giske har ikkje fritt skuleval, men elevar kan med heimel i opplæringslova søkje opptak ved ein annan barneskule enn den dei soknar til.

Elevar frå Giske og Godøy går 8.-10. klasse på Godøy skule, medan elevar frå Valderøya og Vigra går på Valderøy ungdomsskule.

Elevtalsutvikling

### Elevtal per 1. oktober 2020

	1.-4. klasse	5.-7. klasse	8.-10. klasse	SUM
Vigra skule	102	88	0	190
Valderøy barneskule	244	186	0	430
Giske skule	50	27	0	77
Godøy skule	74	50	95	219
Valderøy ungdomsskule	0	0	283	283
<b>Totalt</b>	<b>470</b>	<b>351</b>	<b>378</b>	<b>1199</b>

### Grunnskule

Grunnskuletenestene kosta i 2020 netto 107,4 mill. kroner. Det er ein reduksjon på om lag 5,4 mill frå 2019. Samla kostnader var 7,8 mill lavare enn i 2019, eit mindreforbruk på 3,6 mill i høve til endra budsjett.

Kostnaden til funksjon 2020 grunnskule var 90.644 kroner per innbyggjar 6-15 år. Berre to kommunar i fylket hadde lavare kostnader enn Giske.

Kostnaden per innbyggjar 6-15 år på skulebygg var om lag på gjennomsnitt for vår kommunegruppe med 18,486 kroner. Gjennomsnittet for fylket er 17.228 kroner.

Dei viktigaste grunnane til denne nedgangen ligg i reduserte pensjonskostnader (3,4 mill i høve til 2019) og mindre arbeidsgivaravgift (1,5 mill i høve til 2019). Dessutan er bruk av vikar og engasjement redusert med om lag 1,5 mill kroner.

Det har og vore spart inn på tenesteproduksjonen

- Vidareutdanning og kursing er kraftig redusert. Lærarar som tok utdanning før 2014, har dispensasjon til 2025 med å skaffe seg dei studiepoenga dei manglar for å ha godkjend utdanning til å undervise i skulefaga. I 2020 fekk lærarar i Giske berre godkjent vidareutdanning med statleg stipend til nettbaserte og regionale kurs med lave kostnader.
- Vårt einaste fungerande basseng har vore stengt, og skulane har ikkje gitt symjeopplæring i 2020.
- Lærarnormen er ikkje oppfylt, bortsett ved Godøy skule og Giske skule. Totalt manglar skulane om lag 3 lærarstillingar.
- Skulane har gjort innsparingar i leksehjelp og fysisk aktivitet. Kjøp av varer og tenester er redusert med 1 mill i høve til 2019.

### **Skulestruktur**

Kommunestyret gjorde i september vedtak om at ungdomstrinnet i kommunen skal samlast på Valderøya i nye Giske ungdomsskule og at Alnes skule skal takast ut av bruk. Godøy skule blir med dette ein 1-7- skule.

Administrasjonen og styringsgruppa som er utnemnd av livsløpsutvalet har etter vedtaket arbeidd målretta for at vedtaket skal kunne setjast ut i livet frå oppstart av skuleåret 2021-22.

### **Korona**

Alle elevar i Giske har nettbrett til bruk i undervisninga. Dermed kunne skulane setje i gang med digital heimeundervisning frå dag ein då skulane vart stengde på grunn av pandemien. SFO og barnehage kunne raskt setje i gang med tilbod til barn av foreldre med samfunnskritiske funksjonar.

I den digitale heimeundervisninga var det særleg viktig å følgje opp barn med særlege utfordringar. Nokre barn kunne få tilbod på skulen, men for dei fleste var tilbodet digital undervisning. Då skulane kunne starte opp gradvis etter påske, var det viktig å organisere elevane i kohort for å redusere smittetrykket. Det vart organisert ekstra reinhald, noko som fungerte svært godt.

Svikten i inntekter frå foreldrebetalinga i SFO var betydeleg. Skulane fekk noko kompensasjon for dette tapet. Det lave lønnsoppgjæret og den reduserte arbeidsgivaravgifta bidrog til å redusere tapet. Det vart svært utfordrande for skulane å gi eit fullverdig SFO-tilbod med godt smittevern. Nokre måtte difor redusere omfanget av tilbodet noko. I sum har nok koronatiltaka bidrege til å auke kostnadene på skulefritidstilbodet i 2020.

### **Spesialundervisning**

Giske kommune har sett i gong eit arbeid for å vri frå spesialundervisning til tilpassa ordinær undervisning. Det har i 2020 vore gjort ein stor innsats for å få ned spesialundervisninga. Frå 2019 er talet på elevar som har spesialundervisning redusert frå 12% til 9,42%.

Sidan spesialundervisninga har vore så sterkt samordna, er det dei store vedtaka som kostar, og det er vanskeleg å redusere timebruken til dei elevane som treng det mest. Giske brukar i dag ca. 14.600 undervisningstimar, ca. 21,9 % av det samla timetalet til spesialundervisning. Dei nasjonale tala er 17,7%. Det tilsvarar ca. 11.800 timar for Giske.

Andel elevar med vedtak om spesialundervisning

Andel av undervisningstimar til spesialundervisning av undervisningstimar totalt

### SFO - Skulefritidsordning

Det er SFO-ordning ved alle barneskulane i kommunen. SFO skal vere sjølvfinansierande med unntak av ekstra kostnader til barn som treng tilrettelegging. Månadsprisen var 3.290 kroner for full plass. Dette er den høgaste foreldrebetalinga i fylket og *kan* vere ei medverkande årsak til at ein relativt mindre del av elevar i 2.-4. årstrinn har SFO (sjå grafen nedanfor).

I samarbeid med selskapet Envidan blir det kvart år gjort sjølvkostkalkyler i høve til SFO-tilbodet. Kostnader til stabsfunksjonar og ekstra tiltak for barn med særlege behov blir haldne utanfor.

Frå 1. august 2020 vart det innført to moderasjonsordningar: Redusert foreldrebetaling for foreldre med barn på 1. og 2. klasstrinn. Foreldrebetalinga per barn skal maksimalt utgjere seks prosent av inntektene til hushaldninga. Barn med særskilte behov på 5.-7. trinn har rett til gratis SFO.

Nettokostnadene til SFO har auka kraftig det siste året, frå om lag 1,5 mill. kroner til nesten 2,7 mill. kroner. Den viktigaste grunnen er ein sterk auke av elevar som har større behov for hjelp og tilsyn.

Foreldrebetalinga for SFO var med 3.290 kroner for heil plass den høgaste i fylket.

Skule \ år	Tal på barn i SFO	Tal på barn i SFO	Kor mange av desse har full plass	Kor mange av desse har full plass
	19-20	20-21	19-20	20-21
Giske oppvekstsenter	22	22	17	12
Godøy skule	34	37	25	12
Valderøy barneskule	126	131	56	65
Vigra skule	62	58	29	30
<b>SUM</b>	<b>244</b>	<b>248</b>	<b>127</b>	<b>119</b>

Andel elevar med SFO-tilbod

Prosent

## Skuleskyss

Fylkeskommunen organiserer både ordinær skyss og tilpassa skyss for elevar med særlege behov. Kommunen betaler ein eigenandel som tilsvarer enkeltbillett på buss etter ordinær takst, både for ordinær skyss og tilpassa skyss. Dette gjeld óg skyss for elevar ved private skular, der kommunen betaler skyss til kommunegrensa. Elevar med delt bustad kan ha rett til skyss frå begge heimane. For elevar i 1. klasse er skyssgrensa 2 km, for eldre elevar er skyssgrensa 4 km.

I vårhalvåret hadde til saman 259 elevar rett til skyss. 25 av desse var førsteklassingar. I hausthalvåret hadde 277 elevar skuleskyss, av desse var 28 førsteklassingar. Totalkostnaden var 1.607.000 kroner. Budsjettet var på 1.833.000. Mindreforbruket skuldast at det ikkje var skuleskyss i mars/april pga. korona.

## Kostra grunnskule 2020

Nøkkeltall	Eining	Giske	Ålesund	Sula	Kostragruppe 01	Landet utan Oslo
Årstimar til særskilt norskopplæring per elev med særskilt norskopplæring	antall	31,6	28	40,6	53,1	36,2
Årstimar til spesialundervisning per elev med spesialundervisning	antall	129	170,2	128,7	146,3	143,1
Elevar i kommunale og private grunnskular som får særskilt norskopplæring	prosent	3,30	6,80	1,90	3	4,70
Elevar i kommunale og private grunnskuler som får spesialundervisning	prosent	9,4	9,5	6,9	8,4	7,8
Elevar på mestringsnivå 3-5, nasjonale prøver i lesing 8.trinn	prosent	69,8	74,2	61,2	68,0	72,4
Elevar på mestringsnivå 3-5, nasjonale prøver i regning 8.trinn	prosent	60,4	72,6	66,1	64,8	68,1
Gruppestorleik 2	antall	18,2	16,1	17,4	15,3	15,7
Gjennomsnittleg grunnskulepoeng	antall	42,9	43,7	42,6	42,2	42,9
Netto driftsutgifter grunnskulesektor (202, 215, 222, 223), i prosent av samla netto driftsutgifter	prosent	26,7	21,4	24,4	23,5	22,4
Netto driftsutgifter til grunnskulesektor (202, 215, 222, 223), per innbyggjar 6-15 år (kr)	kr	112 658	111 799	103 656	123 785	116 611
Netto driftsutgifter til funksjon 202 Grunnskule, per innbyggjar 6-15 år)	kr	90 644	95 300	88 678	99 370	93 025
Netto driftsutgifter til funksjon 215 SFO, per innbyggjar 6-15 år)	kr	2 210	1 946	1 828	2 242	2 386
Netto driftsutgifter til funksjon 222 Skulelokale, per innbyggjar 6-15 år)	kr	18 486	12 944	11 882	18 572	19 058
Netto driftsutgifter til funksjon 223 Skuleskyss, per innbyggjar 6-15 år)	kr	1 318	1 607	1 267	3 601	2 141

Kjelde: <https://www.ssb.no/kommunefakta/kostra/giske/grunnskolen>